

Во имя святыхъ и живоначальныхъ троица, Отца и Сына и Святаго (183) Духа Се яз смиренныи Иона митрополить всея Русии. моляся тебѣ Христу моему владыцѣ. Прощаю и разрѣшаю именовемъ твоимъ сего твоего раба имркѣ. подражая божественныхъ твоихъ оустъ славу . . .

Х.

ЧИНЪ И УСТАВЪ, КАКО ОКЛАДОВАТИ ГРАДЪ.

Въ древности и въ средніе вѣка основаніе городовъ, или лучше крѣпостей сопровождалось многими торжественными, иногда суевѣрными обрядами. Церковь немогла одобрять подобныя обряды, но не могла также не признать важности событія заложения города и отказать въ освященіи его своими молитвословіями. Вѣроятно, съ одной стороны желаніе вытѣснить изъ употребленія суевѣрныя обряды, а съ другой нужда освятить дѣйствительно требующее освященія дѣло и послужили поводомъ къ составленію на этотъ случай особаго чина. Когда и кѣмъ составленъ этотъ чинъ, — неизвѣстно. Въ греческихъ требникахъ, какъ печатныхъ, такъ и извѣстныхъ намъ рукописныхъ, такого чина нѣтъ. Въ русско-славянскихъ рукописныхъ требникахъ онъ началъ появляться съ начала XVI в. и мы издаемъ древнѣйшій изъ извѣстныхъ намъ списковъ по рукописи соловецкой библіотеки № 1085 (725) 1505 г. Чинъ этотъ весьма несложенъ. Главнымъ образомъ онъ состоитъ изъ молитвы: „Боже вседержителю, сотвори-вый небо разумомъ и основавый землю на тверди“, предворяемой августовскимъ водоосвященіемъ и сугубою эктениєю. Въ началѣ XVII в. чинъ этотъ вошелъ въ составъ нашихъ печатныхъ потребниковъ, но при

исправленіи книгъ при патриархѣ Никонѣ былъ выкинутъ, такъ какъ его не нашлось въ греческихъ требникахъ. Въ распространенномъ видѣ „чинъ“ этотъ имѣется и въ требникѣ Петра Могилы.

Чин и уставъ како подобаетъ окладовати градъ.

Ркп. Сол. библ. № 1085. л. 71—70.

Пришедшу священнику ставшу на мѣстѣ идѣже быти площади града еже есть среди всего. И облачится вся ризы. И абіе начнетъ пѣти послѣдованіе освященію водѣ еже есть въ ѿ день августа мѣсяца и по окончаніи сего кропитъ креста образно мѣсто то. *Таж.* Идетъ въ кругъ по мѣсту идѣже быти стѣнѣ градской. и кропитъ, поющи *тропарь*. Спаси Господи люди своя. Вознесыся на крестъ волею. *Слава.* Пособивыи Господи. И множицею дондеже обидетъ мѣсто то. Тоежъ пакы, пришедши на мѣсто то. *поемъ.* Владычице прими молитву рабъ своихъ. *И посем.* *начинаетъ кропити весь народъ.* *И сему свершаему,* пакы *станетъ на мѣстѣ томъ.* *зря къ востокамъ.* *Таж.* *начинаетъ диаконъ велегласно.* Помилуй насъ Боже. Еще молимся о благовѣрномъ великомъ князи. імерекъ. дрѣжавы. побѣды пребыванія. мира. здравія. спасенія его. и отпушенія грѣховъ его. и Господу Богу нашему. наипаче поспѣшити ему. и направити его въ всемъ. и покорити подъ нозѣ его всякого врага и борителя. Еще молимся о архіепископѣ нашемъ імерекъ. и всѣхъ по ряду князи и княгинь. Еще молимся за всю братію и за вся (христианы). Еще молимся о еже благословитися мѣсту сему. и основатися граду. (70 об.) и съхранитися ему отъ глада губительства труса и потопа. огня меча. нашествія иноплемennыхъ. и междусобныхъ брани. о еже милостиву тиху кротку. благоцвѣтливу. и благопрѣмнителю быти. благому челоуѣколюбцу Господу Богу о моленіи нашемъ. и услышати прошенія наша. и посѣтити мѣста сего.

Господи помилуй. *стои и тако знаменаетъ крестомъ обрѣщаяся на четыре страны.* *глаголетъ.* О еже услышати Господу Богу нашему гласъ моленія нашего. и помиловати насъ. *Таж.* *возглашаетъ священникъ.* Услыши ны Боже Спасителю нашъ. упованіе всѣмъ концемъ земли. и сущимъ въ морѣ далече. и милостивъ милостивъ буди о грѣсѣхъ нашихъ и помилуй насъ. милостивъ бо и челоуѣколюбець Богъ еси. и тебѣ славу възсылаемъ. Отцю и Сыну и Святому Духу нынѣ и присно.

Таж. *диаконъ* Господу помолимся.

Священникъ молится молитвою сею. Боже вседрѣжителю. сотворивыи небо разумомъ. и основавыи землю на тверди своеи. зиждителю и творче всѣхъ. призри на ны грѣшныя. и недостойныя рабы своя. и прими наша молбы. яко всяко даяніе благо. и всякъ даръ свершенъ есть сходя отъ тебе Отца свѣтомъ. и прими моленія наша. еже днесъ на мѣстѣ семъ молящимся намъ. и освяти основа (71 л.) нѣе града сего. ты бо еси. иже израіля яко лозу отъ Египта прѣсели. и изъятъ языки и насадилъ еси его. тако и нынѣ Владыко призри на мѣсто се. и насади. и утверди огражденіе се. изволи сего во жилище крѣпко. огради его промысломъ твоимъ. избави того. и весь предѣлъ его. отъ глада губительства. труса потопа. огня меча нашествія иноплемennыхъ. и междусобныхъ брани. и отъ всякого отнюду сопротивнаго видимаго и невидимаго врѣда благовѣрнаго князя нашего. імерекъ. егожъ твоимъ именемъ почтеннаго устроилъ еси владати. и твоему надѣющеся пособію и укрѣпленію. даруй ему якожъ Константину побѣды. огради его оружіемъ истиннымъ. оружіемъ благоволенія вѣнчай его. осѣни на главѣ его въ день брани. укрѣпи мышцю его. возвыси десницю его. утверди его власть. покори подъ нозѣ его вся сопротивныя видимыя и невидимыя врагы. возглаголи въ сердци его о святѣи ти церкви. и о вѣрученныхъ ему тобою словесныхъ ти овецъ. яко да си. во типинѣ его тихо и безмолвно житіе поживутъ по твоему благоволенію. и иже въ сеи оградѣ людемъ твоимъ хотящимъ жити. волю

твою свершати. и в нем тебѣ славословіе и благодареніе возсылати благоволи: яко да аще внегда (71 об.) призовутъ тя. и ты услышиши на небеси горѣ. и сотвориши и милостивъ будеши имъ. сопружена их. во единствѣ и в цѣломудрїи настави. и житіе их укрѣпи. дома их умножи всякого блага. ежъ приношенія приносить имъ къ святымъ твоимъ церквамъ. и страннопріемнымъ быти. и нищимъ препитательнымъ. скоты их тучны сотвори. паствы их многогородныя сотвори. и житотворенія их умножи. восходы их и исходы их аггельскою силою огради. яко да всегда всякъ доволь имуще. изъобильствует во всяко дѣло благо. и тебѣ благоугождающе. молитвами пречистыя владычица наша Богородица Приснодѣвы Марїа. силою честнаго и животворящаго креста. заступленіемъ честныхъ небесныхъ силъ безплотныхъ. святыхъ добропобѣдныхъ мученикъ. и всѣхъ твоихъ святыхъ. Яко ты еси крѣпость и утверженіе наше. и тебѣ славу и благодареніе возсылаемъ съ единокорднымъ ти сыномъ. и со всесвятымъ и благимъ. и животворящимъ ти Духомъ. нынѣ и присно и въ вѣки вѣкомъ. аминь.

Таж. отпуст. Христос истинныи Богъ нашъ. молитвами пречистыя его матере. силою честнаго и животворящаго креста. заступленіемъ честныхъ небесныхъ силъ безплотныхъ. святыхъ и добропобѣдныхъ мученик. (72 л.) и всѣхъ святыхъ помилуетъ и спасетъ нас яко благии человекѣколюбець. *И вси людїе рекут.* Господи помилуй *триж.* и тако начинаютъ окладовати град.